



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

LXIX. Ut in Monasterio non præsumat alter alterum defendere. Est Monachi veri nullum vel voce tueri; Dissidii fomes nam solet esse comes.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

27. APRIL. 27. AUG. 27. DECEMB.

CAPUT LXIX.

Ut in Monasterio non præsumat alter alterum defendere.

Præcavendum est, nè quavis occasione *a* præsumat alter alterum defendere Monachum in Monasterio *b*, aut quasi tueri *c*, etiamsi quâlibet consanguinitatis propinquitate jungantur. Nec quolibet modo *d* id à Monachis præsumatur; quia exinde gravissima *e* occasio scandalorum *f* oriri potest. Quòd si quis hæc transgressus fuerit, acrius coërceatur.

- a) *Etiam justitiæ vel æquitatis causâ.*
 b) *Nam apud extraneos id licet, imò & obligationis est, si & in quantum sinè offensâ fieri potest.*
 c) *Putat, laudando, adulando, imitando factum &c. Alii intelligunt, tueri factò, defendere verbo. Aliis denique idem sonat quasi tueri, ac arrogare sibi jus & potestatem defendendi, instar tutoris.*
 d) *Sive verbo, sive factò; sive directè, sive indirectè. &c.*

e) *Id est, maxime nociva.*

f) *Id est, rixarum, contentionum &c.*

28. APRIL. 28. AUG. 28. DECEMB.

CAPUT LXX.

*Ut non præsumat quisquam passim a
alium cedere.*

Ut vitetur *b* in Monasterio omnis præsumptionis occasio, ordinamus atque constituimus, ut nulli liceat quemquam Fratrum suorum excommunicare *c* aut cedere *d*, nisi cui potestas ab Abbate data fuerit. Peccantes *e* autem coram omnibus arguantur, ut cæteri metum habeant *f*. Infantibus *g* verò usque ad quintum decimum *h* annum ætatis disciplinæ diligentia adhibeatur, & custodia sit ab omnibus *i*; sed & hoc cum omni mensurâ & ratione. Nam in fortiori ætate *l* qui præsumpserit aliquatenus *m* sinè præcepto Abbatis, vel in ipsis infantibus *n* sinè discretionem exarsit *o*, disciplinæ regulari subjaceat: quia scriptum est *p*: Quòd tibi non vis *q* fieri, alii nè feceris.

a) *Id*